



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 511. An & qualiter inter se differant solutio, & restitutio,
satisfactio.

[urn:nbn:de:hbz:466:1-73957](#)

TITVLVS XXIII.

De Solutionibus.

CAPUT I.

*De natura solutionis, de iis, qui solvere possunt
ac debent, deque iis, quibus solvi potest
& debet.*

*Quæst. 510. Quotupliciter accipiatur
solutionis, & quid sit.*

1. **R**EPLICITER. Esp. Nomen solutionis sumitur duplice, nimirum latè & strictè, & primò quidem latè seu generaliter acceptum, respiciendo substantiam rei debitæ, denotat & comprehendit omnem & qualcumque præstationem illius, quod quomodo docunque debetur. Respectu verò obligationis considerata solutio denotat ipsius vinculi seu obligationis dissolutionem (quæ se habet tanquam effectus ad causam respectu illius in priore sensu consideratæ) quocumque modo factam; sive ope exceptionis, ut pacto de non petendo, sive ipso jure pro ut species quædam solutionis est acceptatio. Quò etiam spectat compensatio, novatio, delegatio. Unde jam etiam hic *Tiunus ff. est de solutionibus & liberationibus*. Strictè verò accepta (qualiter magis ad substantiam rei debitæ, quam obligationis resertur) describi potest: quòd sit naturalis actualis præstatio rei debitæ ritè & legitimè facta animo tollendi obligationem. Sumitur ex L. 49. ff. b. tit. & pr. *Instit. quib. mod. toll. oblig.* Lauterb. ad ff. b. t. §. 2.

2. Dicitur primò: *Præstatio*. Quod nomen tam latè hic explicari ait Muller. *ad Struv. in ff. h. L. thes. 69. lit. a.* Ut etiam juris intellectu comprehendat actum accipientis, quod ei debetur, præcipue, cùm, ut solutio cum effectu dicatur facta, requiratur dominii translatio in accipientem; ad hoc autem consensus utriusque, tam debitoris quam creditoris adesse debeat.

3. Dicitur secundò: *Præstatiō naturalis*: ut excludatur solutio imaginaria, qualis est acceptatio juxta dicta supra.

4. Dicitur: *Etiam rei debita, qualisunque ea sit*: ut excludatur error eorum, ut ait Muller. *L. c. thes. 68. lit. y.* Qui existimant solutionis specialiter acceptæ objectum esse solam pecuniam numeratam. His non obstante *cit. L. 49.* Cum ea loquatur de casu, quòd pecunia specialiter est in obligationem deducta; adeoque non mirum, talem specialem solutionem faciendam in pecunia. Ita ut non ex diversitate objecti seu debiti, sed ex diverso modo debitum solvendi laxior strictiorve nascatur solutionis acceptio, ut Muller. *L. c. in fine.*

Quæst. 511. An & qualiter differentia inter se solutio, restitutio, satisfactio.

1. **R**EPLICITER. Tam eti si hæc nomina plerumque idem importent, iisque ferè in hac materia solutionis AA, iadiscriminatim utantur; magis tamen strictè sumptorum hæc est differentia; quòd solutio

propriè & rigidè accepta juxta dicta *preced. quæst.* sit rei debita traditio & executio, quæ debitor liberatur sua obligatione, quæ creditori obstringebatur. Restitutio spectato Jure civili. *L. restitutio. ff. de V. S.* Sit rei in pristinum statum, puta, quo ad possessionem & dominium repositio. Spectato verò frequentiore usu Theologorum sit compensatio cuiuslibet damni facti, nimirum reddendo rem ablatam aut ejus astimationem, dum dissipata vel consumpta est. Satisfactio in praesente materia strictè sumpta sit famæ & honoris laeti reparatio. Ita ferè Castrop. *tr. 23. d. 1. p. 8. §. 1. n. 2.*

Quæst. 512. Quinam solvere possint vel non possint, et si de cætero voluntatem solvendi, & unde solvant, habent.

1. **R**EPLICITER. Esp. ad primum: Solvere per se possunt debitores (quales hic intelliguntur, à quibus etiam invitis pecunia vel quævis res alia debita legitimè exigi potest, *L. 108. ff. de V. S.*) omnes, qui liberan habeat rerum suarum administrationem. Est communis hinc è contra.

2. Resp. Ad secundum: Solvere cum effectu nequeunt, qui rerum suarum administrationem liberam non habent. Siquidem solutio talis alienationem & translationem dominii continet, quæ, ut valeat, supponit in alienante & transferente potestatem liberè res suas administrandi. Sic in specie solvere nequeunt per se primò pupilli sine autoritate tutorum, *L. 14. §. fin. ff. b. t. 1. 9. §. 2. ff. de anth. tutor.* Unde, si de facto aliiquid solverit pupillus, dominium illius non transfir in accipientem seu creditorem, sed manet apud pupillum, & is illud vindicare potest, si adhuc existet, Lauterb. *L. Muller. l. c. lit. g.* Cum communi juxta *cit. LL.* Si verò acceptum creditor bona fide consumpsit, liberabitur quidem pupillus, si ex iusta causa, ex qua erat exactum. *V. g.* Quia debitum ex patre in pupillum descenderat (in quo casu is efficaciter conveniri poterat) fuerit solutum. *L. 5. §. 6. ff. de reb. cred.* Utì & creditor liberabitur à vindicatione. Si tamen pupillus contractum à se ipso debitum solverit sine autoritate tutoris, conductio soluti tanquam indebiti remanet pupillo, utpote qui ex hoc contractu non obligabatur. Muller *l. cit. lit. t. vol. 2. d. 29. th. 2. lit. g.*

3. Secundò: Quod dictum de pupillis, idem ob eandem rationem dicendum de minoribus curatorem habentibus. *L. 1. c. de in integr. restitut.* Si chard. *ibidem.* Lauterb. *b. t. §. 5.* Muller. *l. c. lit. g.* contra Zanger, *de except. p. 3. c. 6. 1. n. 15.* & alios quos-